

京東考古錄



崑山顧炎武寧人著

考薊

漢書薊古燕國召公所封後漢書薊本燕國刺史治自七國時燕都于此項羽立滅秦為燕王都薊高帝因之為燕國元鳳元年燕刺王旦自殺國除為廣陽郡本始元年為廣陽國建武十三年省屬土國永平八年一作永復為廣陽郡晉復為燕國魏為燕郡隋開皇初廢大業初置涿郡唐天寶元年更名范陽郡並治薊水經注濕水過廣陽縣北又東至漁陽雍奴縣註今城內西北隅有薊丘曰丘以名邑也後漢書彭寵傳寵反漁陽自將二萬餘人攻朱浮于薊晉書記載魏圍燕中山清河王會自龍城遣兵赴救建武



將軍餘崇為前鋒至漁陽遇魏千餘騎鼓噪直進殺十餘人魏騎遁去崇亦引還會乃上道徐進始達薊城即此三事可見薊在漁陽之西唐書地理志幽州范陽郡治薊開元十八年析置薊州漁陽郡治漁陽及遼改薊為析津縣因此薊之名遂沒于此而存于彼今人乃以漁陽為薊而忘其本矣史記樂毅書薊丘之植也于汶篁一統志云城西北隅即古薊門舊有樓館並廢但門外存二土阜旁多林木頗為近之

禮記樂記武王克殷反商未及下車而封黃帝之後於薊水經注後疏云今涿郡薊縣是也即燕國之都孔安國司馬遷及鄭皆云燕祖召公與周同姓案黃帝姓姬召益其後也而皇甫謐以召公為史王之庶子考之史傳更無所出又左傳富辰之也

案先儒之說以薊與燕國為一史記燕世家武王滅紂封召公于北燕索隱曰北燕今在幽州薊縣故城蓋一地不容封二國故疑召公即黃帝之後其不曰燕而曰薊者有南北二燕故稱其國都以明之也

補註漢書二燕傳

漢書燕王定國傳殺肥如令郚人案地理志肥如自屬遼西郡不屬燕武帝本紀元朔元年秋匈奴入遼西殺太守諸侯王表言武帝下推恩之令而藩國自析長沙燕雖有舊名皆亡南北邊矣然則肥如令之殺于燕必在元朔以前未析邊郡之時也燕王旦傳發民會園大獵文安縣以講士馬其上云武帝時旦坐滅匿亡命削長鄉安次文安三縣是文安已削不屬燕又云昭帝立大將軍

霍元秉政褒賜燕王錢三十萬益封萬三千戶昭帝本紀亦云始
元元年益封燕王廣陵王及鄂邑長公主各萬三千戶然則文安
縣之仍屬于燕又在益封萬三千戶之後也此皆史文之互見者
可以參考而得之也

考金陵

一統志金太祖陵世宗陵俱在房山縣西二十里三山峰下宣宗
陵章宗陵俱在房山縣西大房山東北案金史海陵紀貞元三年
三月乙卯命以大房山雲峰寺為山陵建行宮其麓五月乙卯命
剏大崇正事京等如上京奉遷太祖太宗梓宮十一月乙巳朔梓
宮發丕承殿戊申山陵禮成正隆九年七月己酉命太保昂如上
京奉遷始祖以下梓宮八月丁丑如大房山行視山陵十月乙酉

葬始祖以下十帝于大房山閏月己亥朔山陵禮成又太祖紀太
祖葬睿陵太宗紀太宗葬恭陵世宗紀世宗葬興陵章宗紀章宗
葬道陵又熙宗紀帝被縶葬于皇后裴蒲氏墓中貞元三年改葬
于大房山蓼香甸諸王同兆域大定初追上謚號陵曰思陵二十
八年改葬于蛾眉谷仍號思陵又海陵紀葬于大房山鹿門谷後
降為庶人改葬于山陵西南四十里又睿宗紀大定二年改葬于
大房山號景陵顯宗紀大定二十五年十一月庚寅葬于大房山
章宗即位號曰裕陵是則金代之陵自上京而遷者十二帝其陵
曰光曰熙曰建曰輝曰安曰定曰永曰泰曰獻曰喬曰睿曰恭其
崩于中都而葬者二帝其陵曰興曰道被弑者一帝其陵曰思追
謚者二帝其陵曰景曰裕被弑而降為庶人者一帝葬在兆域之

外而宣宗則自即位之二年遷於南京三年五月中都為蒙古所陷葬在大梁非房山矣今一統志止有四陵而誤列宣宗又躋于章宗之上諸臣不學之甚也

辨一統志遼陵之誤

一統志遼章宗陵在三河縣五十五里考遼無章宗其一代諸帝亦無葬三河者

辨一統志密雲之誤

一統志引古事舛戾最多未有若密雲之可笑者晉書石季龍紀載段遼棄令支奔密雲山遣使詐降季龍使征東將軍麻秋迎之遼又遣使降于慕容皝曰胡貪而無謀吾今請降求迎彼不疑也若伏重兵以邀之可以得志皝遣子恪伏兵于密雲麻秋統眾三

萬迎遼為恪所襲死者十六七秋步遁而歸是段遼與燕合謀而敗趙之兵也今一統志云密雲山在密雲縣南一十五里亦名橫石昔燕趙伏兵于此大獲遼眾是反以為趙與燕謀而敗遼之眾又不言段而言遼似以遼為國名豈脩志諸臣并晉書而未之見乎

攷臨朐縣

一統志三河在漢臨朐縣地今考二漢書並無臨朐縣唐書地理志幽州范陽郡潞縣下云武德二年置臨朐縣貞觀元年省臨朐而并州魚陽郡三河下云開元四年析潞縣置故知本是一地先分為臨朐後分為三河皆自唐非漢也

考夏謙澤

晉書紀載慕容寶盡徙薊中府庫北趨龍城魏石河頭引兵追及
之于夏譙澤胡三省通鑑注夏譙澤在薊北二百餘里恐非案水
經注鮑丘水東南流逕潞城南又東南入夏澤澤南紆曲渚一十
餘里北佩謙澤眇望無限也下云鮑丘水又東與胸河合三河志
鮑丘河在縣西二十五里源自口外源流經九莊嶺過密雲合
人溪至通州之米莊村合沽水入胸河今三河縣西三十里地名
夏店舊有驛鮑丘水逕其下而洶河自縣城南至寶坻下入于海
疑夏店之名因古夏澤東望皆陂澤與經注正合自薊至龍城此
其孔道寶以丙辰行魏人以戊午及之相距二日適當其地也

辨石門

後漢書公孫瓚傳中平中張純與烏桓丘力居等入寇瓚追擊戰

于屬國石門大敗之註石門山在今營州柳城縣西南而水經注
云灑水又東南逕石門峽山高嶄絕壁立洞開俗謂之石門口漢
中平五年公孫瓚討張純戰于石門大破之今薊州東北六十里
石門驛即水經注之石門是也案史本紀但言石門而傳言屬國
石門明有兩石門水經注所指乃漁陽之石門非遼東屬國之石
門當以柳城為是通典柳城在石門山

辨一統志楊令公祠之誤

一統志楊令公祠在密雲縣古北口祀宋楊業案楊業傳業本太
原降將太宗以業者于邊事遷代州兼三交駐泊兵馬都部署會
契丹入雁門業領麾下數千騎自西京而出由小陘至雁門北口
南背擊之契丹大敗以功遷雲州觀察使雍熙三年大兵北征

以志武軍節度使潘美為雲應路都部署命業副之以西上閣門使蔚州刺史王侁軍器庫使順州團練使劉文裕護其軍諸軍連拔雲應寰朔四州師次桑乾河會曹彬之師不利諸路班師美等歸代州未幾詔遷四州之民于內地令美等以所部兵護之時契丹復陷寰州侁令業趨雁門北州業以為必敗不可侁逼之行業指陳家谷口曰諸君於此張步弓強弩為左右翼以援美與侁領麾下兵陳于谷口自寅至巳侁使人登托邏臺望之以為契丹敗走欲爭其功即領兵離谷口美不能制乃緣交河西南行二十里俄聞業敗即麾兵却走業力戰至谷口望見無人即拊膺大慟再率帳下士力戰身被數十創士卒殆盡業猶手刃數十人馬重傷不能進為契丹所擒不食三日死是業生平未嘗至燕況古北口

又在燕東北二百餘里地屬契丹久矣業安得而至此且史明言雁門之北口而以為密雲之古北口是作志者東西尚不辨何論史傳哉又按遼史聖宗紀統和四年七月丙子樞密使斜軫奏復朔州擒宋將楊繼業耶律斜軫傳繼業敗走至狼牙村衆軍皆潰繼業為飛矢所中被擒與宋史略同密雲縣志威靈廟在古北口北門外一里祀宋贈太尉大同軍節度使楊公成化十八年禮部尚書周洪範記引宋史全文而不辨雁門北口之非其地豐潤縣志今公村在縣西十五里宋楊業屯兵拒遼于此有功故名並承一統志而誤

考盧師山

仁宗實錄洪熙元年二月乙卯封大青龍神為弘濟大青龍神小

青龍神為靈顯小青龍神賜名所居山為翠微山遣成國公朱勇
諭發仍命禮部歲以春秋仲月遣順天府官致祭蓋京師平則門
外上盧師山有潭世傳有大小二青龍出沒不時遇旱致禱
輒雨及是夏不雨遂即其山禱焉雨隨注故有是命大明一統志
盧師山在府城西三十里隋沙門盧師馴伏青龍之所今考元史
呂思誠傳云為景州蓀縣尹天旱道士持青蛇曰盧師谷小青謂
蛇也禱之即雨思誠以其感人殺蛇逐道士雨亦隋至遂有年則
是元時已有此說又考唐書常挺傳云挺遣燕州司馬王安德行
渠作漕艦運糧自桑乾水抵盧思臺行百里渠塞不可通挺以方
苦寒未可進遂下未臺側詹之待永泮乃運則盧師或盧思之誤
辨遼史引公孫度平州之誤

晉書平州禹貢冀州之域於周為幽州畝漢屬右北平郡後漢末
公孫度自號平州牧及其子康康子淵並據遼東魏分遼東昌黎
玄菟帶方樂浪五郡為平州後還合為幽州咸寧二年十月分昌
黎遼東玄菟帶方樂浪等郡國五置平州治昌黎是則公孫度之
平州乃遼東而咸寧所置之平州乃柳城即昌黎也魏書營州領
郡六其一曰昌黎晉分遼東置領縣三其一曰龍城太平真君八
年併柳城昌黎棘城屬焉有堯祠榆頓城狼水隋書遼西郡統縣
一柳城本魏龍城縣開皇元年改為龍山縣十八年改為柳城縣
而平州之名則自魏更立于遼西魏書平州領郡二其一曰遼西
領縣三其一曰肥如獨其于平州之下注云晉置治肥如城未甚
詳考其曰晉置者謂平州之名始立于晉也其曰治肥如城者謂

魏之平州治肥如也上下本不相蒙且如遼西郡下注云秦置亦謂遼西之名立于秦也豈可以秦之遼西亦治肥如乎以此例之可見矣隋唐二書並未有誤至遼史于平州遼興軍下云漢末公孫度所有傳子康孫淵是誤以拓拔氏之平州為公孫度之平州矣灤州下亦云不知其時皆曹氏所有也

正後漢志誤字

後漢志遼東屬國下云昌遼故天遼屬遼西考之前代史書並無昌遼之名而前漢亦無天遼疑當作昌黎故交黎屬遼西以漢書證之遼西郡交黎下云東部都尉治應劭曰今昌黎又胡三省通鑑注云昌黎今交黎縣屬遼西郡後漢屬遼東屬國都尉此後人寫刻之誤可以意改者也

辨柳城

史言慕容皝以柳城之北龍山之西福德之地乃營立宗廟宮闕命曰龍城一統志柳城在永平府西二十里龍山在府西四十里永平府舊志柳城在昌黎縣西南六十里漢末為烏桓所據曹操滅之歷魏晉為慕容氏父子所據隋置縣屬遼西郡唐置營州元省入昌黎為靜安社二說不同今府西二十里全無遺跡而靜安社則嘉靖三十一年立為堡然皆非柳城之舊也案唐書營州柳城郡下云城西四百八十里有渝關守浞城又云西北接吳北接契丹通遼營州柳城郡下云東至遼河四百八十里南至海二百六十里西至北平郡七百里北至契丹畝五十里東南到安東府二百七十里西南到北平七百里西北至契丹畝七十里東北到

契丹畧九十里而平州北平郡下云東至柳城郡七百里西至漁陽郡三百里東北到柳城郡七百里是柳城在今永平之東北七百里而慕容氏之龍城昌黎及魏以後之營州並在其地唐萬歲通天元年為契丹所隔聖曆二年僑治漁陽開元五年又還治柳城而今之昌黎乃昔之廣寧縣大定二十九年改為昌黎名同而地異也

三國志魏武用田疇言上徐無山塹山堙谷五百餘里經白檀歷平岡涉鮮卑庭東至柳城徐無山在今玉田則柳城在玉田之東北數百里也北齊書顯祖伐契丹以十月下酉至平州從西道趨長塹辛丑至白狼城壬寅至昌黎城是昌黎在平州之東北齊主之行急猶五日而後至也隋書漢王諒伐高麗軍出臨渝關至柳

城唐書太宗伐高麗還以十月丙午次營州詔遼東戰亡士卒骸骨並集柳城東南命有司設太牢上自作文以祭之丙辰皇太子迎謁于臨渝關在今撫寧之東則柳城又在其東太宗之行遲故十日而後至也

遼史載柳城曰興中府古孤竹國漢柳城縣地慕容皝以柳城之北龍城之南福德之地乃築龍城構宮廟改柳城為柳城縣而遷都之號曰和龍宮慕容垂復居焉垂都鄴其子寶始遷龍城也後為馮跋所滅

高雲滅慕容氏馮跋代魏取之為遼西郡隋平高寶寧置營州煬

帝改柳州郡唐武德初改營州總管府尋為都督府萬歲通天元年昭李萬榮神龍初徙府幽州開元四年復治柳城八年徙漁陽十年還柳城後為奚所據太祖平奚及俘燕氏將建城命韓知方

擇其處乃完葺柳城號霸州彰武節度使重熙十年升興中府有
大華山小華山香高山麝香崖天授皇帝刻石在焉駐龍峪神射
泉小龍沂統州二縣四其一曰興中縣本漢柳城縣地太祖掠漢
民居此置霸城縣董熙中置府更名此文述柳城之故頗為詳備
元世祖至元七年十月己丑降興中府為州以地圖按之當在今
前屯衛之北但唐書平州下云又有柳城軍永泰元年置蓋唐時
柳城之地屢被陷沒移遷無常此其在平州者或即今之靜安社
未可知然不可以永泰元年之柳城為古之柳城也
一統志采輯諸書不出一人之手如柳城廢縣既云在府城西二
十里矣而于土產則曰人參麝香豹尾俱廢柳城縣出今府西二
千里乃灤河之西洞山之南沙土之地其能出此三物乎案唐書

營州柳城郡貢人獲麝香豹尾皮骨融志本引之而不知府西二
十里之誤也

考昌黎

案昌黎有五漢書遼西郡之縣其八曰昌黎渝水首受塞外南入
海東部都尉治應劭曰今昌黎通鑑注昌黎漢交黎縣屬遼西郡
後漢屬遼東屬國都尉魏齊王正始五年鮮卑內附復置遼東屬
國立昌黎縣以居之後立昌黎郡晉書武帝紀太康二年慕容廆
寇昌黎二年安北將軍嚴詢敗慕容廆于昌黎成帝咸康二年慕容
容皝自昌黎東渡水而進凡三百餘里至歷林口是則渝水下流
而當海口此一昌黎也晉書紀載慕容皝徙昌黎郡又云破宇文
歸之衆徙其部人五萬餘落于昌黎及慕容盛之世有昌黎尹張

順劉忠高雲以馮素弗為昌黎尹馮跋之世有昌黎尹孫伯仁以
史考之當去龍城不遠此又一昌黎也魏併柳城昌黎棘城于龍
城而斗昌黎為郡志云有堯祠榆頓城狼水而列傳如韓麒麟韓
秀谷渾孫紹之倫皆昌黎人即燕之舊都龍城此又一昌黎也齊
以後昌黎之名廢至唐太宗貞觀二年更崇州為北黎州治營州
之東北廢陽師鎮八年復為崇州置昌黎縣後淪于奚遼史建州
永康縣本唐昌黎縣地此又一昌黎也遼太祖以定州俘戶置營
鄰海軍其縣一曰廣寧金世宗大定二十九年改為昌黎相沿以
至于今在府城東南七十里此又一昌黎也郭造卿永平志辨昌
黎有二而不知其有五今序而列之論古者可以無惑焉
韓文公多自稱昌黎唐書載韓氏世系則云漢弓高侯顏當裔孫

世居潁川徙安定武安常山九門而生安定桓王茂為公之六世
祖與昌黎之韓文派各別故先儒以為公之自稱本其郡望宋元
豐七年封公為昌黎伯亦是取其本望如韓擇木封昌黎伯韓長
鸞韓建封昌黎王之比若昌黎之韓寂著于魏如麒麟顯宗史明
言其為昌黎棘城人又非今日之昌黎也然則文公之沒二百六
十年而始封昌黎伯又一百六年而始立今之昌黎縣以金之縣
而合宋之封遂謂文公為此縣之人其亦未之考矣

考石城

漢右北平郡之縣十六其三曰石城後漢無之蓋光武所併省也
至燕分置石城郡考之通鑑及晉載紀得二事慕容寶宿廣都黃
榆谷清河王會勅兵攻寶寶師輕騎馳二百里晡時至龍城會遠

騎追至石城不及是廣都去龍城二百里而石城在其中間也慕容
容興政于北原石城今高和與尚方兵于後作亂註云高和本為
石城今時以大英會于龍城是石城去龍城不遠也魏書地形志
廣興下云有雞鳴山石城大柳城此即漢之石城矣魏太平真君
八年置建德郡治白狼城領縣三其一曰石城有白鹿山祠其二
曰廣都水經注石城川水出西南石城山東流逕石城縣故城南
北屈逕白鹿山西即白狼山也又東北入廣成縣東廣成即廣都
城燕之石城在廣都之東北而此在廣都之西南是魏之石城非
燕之石城矣隋書始無石城云北齊廢之而唐書平州石城下云
本臨渝武德七年省貞觀十五年置萬歲通天二年更名有臨渝
關有大海有碣石山是武后所改名之石城又非魏之石城矣遼

史灤州統縣三其三曰石城下云唐貞觀中于此置臨榆縣萬歲
通天元年改石城縣在灤州南三十里唐儀鳳石刻在焉今縣又
在其南五十里遼徙置以就鹽官是遼之石城又非唐之石城矣
今之開平中屯衛自永樂三年徙于石城廢焉在灤州西九十里
乃遼之石城而一統志以為漢舊縣何其謬與

考宋史營平灤三州之誤

宋史言朝廷與金約城遼止求晉賂契丹故地而不忠營平灤三
州非晉賂乃劉仁恭獻契丹以求援者既而王黼梅欲併得之道
趙良嗣往請之再三金人不與北史家之誤案通鑑初幽州北七
百里有渝關下有渝水通海自關東北循海有道道狹處纔數尺
旁皆亂山高峻不可越北至進牛口舊置八防禦軍募土兵守之

租皆供軍食不入于薊幽州歲致繒纒以供戰士衣每歲早獲
清野堅壁以待契丹契丹至輒閉壁不戰俟其去選驍勇據隘邀
之契丹常失利走土兵皆自為田園力戰有功則賜勳如賞由是
契丹不敢輕入寇及周德威為盧龍節度使恃勇不修邊備遂失
渝關之險契丹每芻牧于營平之間又案遼史太祖天贊二年春
正月丙申大元帥堯骨克平州獲刺史趙思溫裨將張崇二月如
平州甲子以平州為盧龍軍置節度使遼之天贊二乃後唐莊宗
同光元年是營平二州契丹自以兵力取之于唐而不於劉仁恭
又非賂以求援也若灤本平州之地遼太祖以浮戶置灤州當劉
仁恭時尚未有此州尤為無據此亦史家千年未正之誤遼史于
灤州下云石晉割地在平州之境亦誤也

考契丹所得十六州

世言燕雲十六州自石敬瑭以賂契丹不屬中國者四百四十餘
年恭不盡然考之于史晉高祖所割以禪契丹者山前之州也曰
幽今順天府曰薊今薊州曰瀛今河間府曰莫今丘縣曰涿今涿州曰檀今雲密曰順
義今順義縣山後之州九曰新今保定府曰媯今慶州曰儒今永寧縣曰武今在朔州西境曰
雲今大府曰應今應州曰寰今馬邑縣曰朔今朔州曰蔚今蔚州而營平二州則
後唐時契丹自以兵取之矣其後周世宗復關南北則瀛莫二州
復歸中國而其餘十四州遂淪于契丹并所取營平二州亦遠得
十六之數若灤州乃周世宗所置灤州乃契丹所置又不在十六
州之內者也

辨賓徒

漢書遼西郡賓徒縣舊曰勉武今本亦有作賓徒者後漢書遼東屬國賓徒故屬遼西通鑑晉趙王倫貶吳王宴為賓徒縣王泰符堅封慕容垂為賓徒侯並取此為名晉書載記作賓都侯都之與徒以音相道而轉尤為明證而遼史則云中京大定府長安縣本漢賓從縣地勸農縣本漢賓從縣地此承漢志傳寫之訛而未考後漢晉二書也

辨龍城

案史有兩龍城漢書匈奴傳匈奴諸王長少五月大會龍城祭其先天地鬼神武帝本紀元光五年車騎將軍青至龍城獲首虜七百級衛青傳作籠城註籠與龍同此一龍城也晉書載慕容皝築城于柳城之北龍城之西立宗廟宮闕命曰龍城此又一龍城

也六朝以下文人多用龍城隋煬帝與史祥書望龍城而衝寇盼狼屠而發憤自此遞相祖襲皆匈奴傳之龍城耳

辨一統志朝鮮

漢書地理志樂浪郡之縣二十五其一曰朝鮮應劭曰故朝鮮國武王封箕子于此志曰殷道衰箕子去之朝鮮在今高麗國境內慕容氏于營州之境立朝鮮縣魏又于平州之境立朝鮮縣但取其名與漢縣相去則千有餘里一統志乃曰朝鮮城在永平府境內箕子受封之城當日儒臣令稍知古今者為之何至于此為

之大息通鑑朝鮮今孫詠

辨三韓

今人謂遼東為三韓不知其何取考晉書韓種有三一曰馬韓二

曰辰韓三曰弁韓辰韓在帶方南東西以海為限馬韓居山海之間無城郭凡有小國五十六大者萬戶小者數千家各有渠帥又曰辰韓在馬韓之東自言秦之亡人避役入韓韓割東畝以居之立城柵言語有類秦人由是或謂之秦韓初有六國後稍分為十二又有弁韓亦十二國合四五萬戶各有渠帥皆屬于辰韓辰韓常用馬韓人作主雖世世相承而不得自立明其流移之人故為馬韓所制也又載其習俗器用朝貢之詳甚具遼史高州三韓縣辰韓為扶餘弁韓為新羅馬韓為高麗開秦中聖宗伐高麗俘三國之遺人置縣據此則三韓並是東亞之國種類各殊而遼東乃漢晉時內地焉得以三韓目之近代文人用古而不求新必其誤也久矣

辨張公素

一統志永平府名宦有唐張仲素德宗時以列將事盧龍軍節度使張允仲擢平州刺史允仲卒詔仲素代為節度使同平章事考之唐書藩鎮列傳則云張仲武為盧龍節度使破降回鶻又破奚北部及奚奚累擢檢校司徒同中書門下平章事卒子直方多不法畏下變起奔京師軍中以張允仲總後務張公素以列將事允仲擢平州刺史允仲卒子簡會為副大使公素以兵來會喪簡會出奔詔以公素為節度使性暴厲眸子多白燕人號白眼相公為李茂勳所襲奔京師貶復州司戶叅軍案盧龍節度使前後三人皆張姓曰仲武曰允仲曰公素今乃合二名而曰仲素及詳其歷宜即公素也又其述事會在懿宗咸通十三年去德宗時甚遠且

以安取此篡奪暴虐之人而載之名宦乎今灤州乃祀之名宦祠
吁其辱朝廷之典而貶千載之笑也已

考長城

長城不獨北邊也其在中國亦有之史記蘇代傳燕王曰齊有長
城鉅防足以為塞竹書紀年梁惠王二十年齊閔王築防以為長
城後漢志濟北國盧有長城至東海太山記云太山下有長城緣
河經太山一千餘里至琅邪
臺入此齊之長城也史記蘇秦傳說魏襄王曰西有長城之畝後
漢志河南郡有長城經陽武到密此魏之長城也其在北邊者史
記匈奴傳秦宣太后起兵伐殘義渠于是秦有隴西北地上郡築
長城以拒胡此秦之長城也趙武靈王北破林胡樓煩築長城正
曰括地志云趙武靈王自代至陰山索隱曰徐廣云西安善陽縣北有
陰山陰山在河南陽山北也正義

曰括地志云陰山在下至高關為塞徐廣曰在朔方正義曰地理
朔州絕塞外突厥界險于長城其山中斷而而置雲中鴈門代郡此趙之長城也燕將
秦開襲破東胡東胡却千餘里燕亦築長城自造陽韋昭曰地名
曰按上谷至襄平索隱曰韋昭云置上谷漁陽右北平遼西遼東

郡以拒胡此燕之長城也秦滅六國而始皇帝使蒙恬將十萬之
衆北擊胡悉收河南地因河為塞索隱曰按太康地記秦塞自五

賁山高漢築四十四縣城臨河徙造戍以充之而通直道索隱曰
去長安千里正自九原至雲陽索隱曰韋昭云九原縣屬五原



南相直道也漢武帝名五原雲陽雍縣秦之林光宮即漢之甘泉
宮在焉又秦故道在慶州華池縣西四十五里于午山上自九

原至雲陽因邊山險整豁谷可繕者治之起臨洮至遼東萬餘里
千八百里岷州城本秦長城首起岷州西十二里延袤萬餘里東入遼水

度河據陽山北假北假地名正義曰北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假
北假地名正義曰北假田官至以田假與貧人故云北假北假田官至以田假與貧人故云北假

年遣將軍衛青等擊匈奴取河南地築朔方復繕故秦時蒙恬所
為塞因河為固北齊天保二年自黃檀嶺起長城北至社平戌四
百餘里置三十六戍通鑑註此長城蓋起于六年發民一百八十
萬築長城自幽州夏口西至恒州九百餘里通鑑註幽州夏口即
都縣西北七年自西河總秦戍築長城東至于海前後所築東西
有居庸關凡三千餘里率十里一戍其要害置州鎮凡二十五所周靜帝大
象元年發山東民築長城立亭障西自鴈門東至碣石帝開
皇五年使司農少卿崔仲方發丁三萬于朔方靈武築長城東距

河西綏州綿歷七百里六年二月丁亥復令崔仲方發丁十五萬
于朔方以東緣邊險要築數十城七年發丁男十萬餘人脩長城
二旬而罷史所載長城之事如此



山東考古錄



崑山顧炎武寧人著

華不注解

華不注伏琛王齊記云不音附讀如詩鄂不韡韡之不謂花蒂也
言此山孤秀如花附之注于水也按詩箋云承華者鄂不當作附
鄂足也疏云華下有鄂鄂下有附也古音不附同左傳成公十六
年有韡韡之附注註云韡韡戎服若袴而屬于附與袴通疏云自
腰以下而注于脚當是古人有此語耳

辨靡笄

齊乘華不注亦名靡笄山非也左傳云從齊師于莘云六月壬申
師至于靡笄之不注也師陳于鞌曰逐之三周華不注曰丑父

使公下如華泉依其自有次第章在華不注之西而靡笄又在某西可知金史長清有靡笄山

考古地理

戰于鞏與三周華不注同是一日計不甚遠而穀梁傳曰鞏去國五百里者據公羊傳注古六尺為步三百步為里今以三百六十步為里而尺又大于古四之一今之六十二里遂當古之百里人歷城至臨淄正符此數孟子千里而見王以今計之自鄒至齊亦不過六百里也後漢書耿弇與張步戰于臨淄東城下追至鉅昧水上八九里僵尸相屬今臨淄至鉅昧水亦止六十里耳

考五帝

華不注山下有廟內安五帝像及主而書其主曰青帝句芒氏亦

帝祝融氏白帝蓐收氏黑帝玄冥氏其中獨無黃帝不知何人所為歷城志云舊為華陽宮嘉靖十一年巡撫袁宗儒改為宗正祠提學陸欽記祀逢丑又閔子騫兩廡祀鐵鉉等二十二人黃福等十九人今廢仍為華陽宮祀四季之神稱為四季尤不可解按禮記月令春其帝太皞其神句芒夏其帝炎帝其神祝融季夏其帝黃帝其神后土秋其帝少皞其神蓐收冬其帝顓頊其神玄冥此五帝與五行之官各自為神文義甚明家語季康子問于孔子曰舊聞五帝之名而不知其實請問何謂五帝孔子曰丘也聞諸老聃曰天有五行水火金木土分時化育以成萬物其神謂之五帝古之五者易代而改號取法五行五行更王終始相生亦象其義故其生為明王者死而配五行是以太皞配木炎帝配火黃帝配

土少辨配金顛項氏水康子曰大皞其始於木何如孔子曰五行
用事先起于木木東五萬物之初皆出焉是故王者則之而首以
木德王天下其次則以所生之行轉相承也康子曰吾聞句芒為
木正祝融為火正蓐收為金正玄冥為水正后土為土正此五行
之主而不亂稱曰帝者何也孔子曰凡五正者五行之官名五行
佐成上帝而稱五帝太皞之屬配焉亦云帝從其號昔少皞氏之
子有四叔曰重曰該曰修曰熙實能金木及水使重為句芒該為
蓐收修及熙為玄冥顛項之子曰黎為祝融共工氏之子曰句龍
為后土此五者各以其所能業為官職生為上公死為貴神別稱
五祀不得同帝今乃合之為一豈非并月令家語而未次見者乎

考歷山下大澗

昔之守清南者以澗為固元史史樞傳李壇叛據濟南樞從父天
澤往討之城西南有大澗亘歷山樞一軍獨當其險夾澗三陣董
搏霄傳賊衆自南山來攻濟南望之兩山皆赤搏霄按兵城中先
以數十騎挑之賊悉來鬪騎兵少卻至澗上伏兵起遂合戰城中
兵大出大破之今其遺跡不復可考志書亦不載此二事

考靈巖寺

靈巖在宋時為山東名刹士大夫來者往往與寺僧酬和迄今幾
五百年屢經兵大而石刻之存者尚有數十可以想見當時之盛
自金之末年遂為屯兵之地金史庚摯傳摯行省事于求平權本
路兵馬都總管請駐兵于長清之靈巖寺有屋三百餘間且連接
泰安之天勝寨滿山葦草足相應援元史嚴實傳泰安張汝楫據

靈巖遺別將攻每滑滑走之此皆一方大事而志不之及即石
刻碑錄十之一而近年之亂多為人取用不存良可惜也
古詩帝王巡狩以殺大抵自兗州而東唯唐高宗自齊州而南舊
唐書本紀麟德二年十二月丙辰發靈巖頓至泰山下

考鐵

漢時濟南為產鐵之地後漢志言東平陵有鐵歷城有鐵又韓稜
傳肅宗賜陳寵寶劍曰濟南椎成注椎直追反漢官作鍛成是不
惟產鐵又出名劍今府學之鐵牛靈巖寺之鐵袈裟皆鐵之精英
發見于地上者也

考竹

北方古稱多竹之地有三淇渭汶史記河渠書下淇園之竹以為

捷後漢書寇恂傳伐淇園之竹為矢百餘萬此衛竹也史記貨殖
傳渭川千畝竹漢書有司竹監此秦竹也樂毅報燕惠王書薊丘
之植植于汶篁潘岳笙賦鄒魯之珍有汶陽之孤篠焉而古詩亦
云冉冉孤生竹託根泰山阿此魯竹也又左傳齊人弑懿公納諸
竹中而晉師焚申池之竹木則齊都之旁亦有竹矣今語北人種
竹輒云土性不宜何也

辨魯地為古徐州

晉書天文志所載分野全不足信其云角亢氐鄭兗州又云泰山
入角十二度濟北入亢五度按泰山在春秋時為魯境上濟北郡
治廬在春秋時為齊地史記泰山之陽則魯其陰則齊唐書天文
志岱嶽衆山之陰為齊危嶽衆山之陽為秦婁其說甚當焉

貢徐州之北青州東南皆並泰山郡乃古徐州之地古之兗
州在濟河之間晉志不辨而以今之兗州為古之兗州遂以應角
充之分以合于史記天官書之記洪氏譏其不知地理信矣

辨無字碑為漢立

嶽頂無字碑世傳為秦始皇立按秦碑在五女池上李斯篆書高
不過曰五尺而銘文并二世詔書咸其不當又立此大碑也考之
宋以前亦無此說因取史記反復讀之知為漢武帝所立也史記
秦始皇本紀云上泰山立石封祠祀其下云刻所立石是秦石有
文字之證今李斯碑是也封禪書云東上泰山泰山之草木棄未
上乃令人上石立之泰山巔上遂東巡海上四月還上秦
山封而不言刻石是漢石無文字之證今碑是也後漢書祭祀志

亦云上東上泰山乃上石立之泰山巔然則此無字碑明為漢武
帝所立而後之不讀史者誤以為秦耳

始皇刻石之處凡六史記書之甚明于鄒嶧山則上云立石下云
刻石頌秦德于泰山則上云立石下云刻所立石于之采則二十
八年云立石二十九年云刻石于琅邪則云立石刻頌秦德于會
稽則云立石刻頌秦德無不先言立後言刻者惟于碣石則云刻
石碣門門自是石不須立也古人作史文字之密如此使秦皇別
立此石秦史焉得不紀使漢武有文刻石漢史又安敢不錄乎

辨高里山

秦按州西南二里俗名高里山者高里山之訛也史記封禪書十
二月甲午朔上觀禪臺漢書武帝紀太初元年十二月禪高里

注然儼曰山名在泰山中乃若蒿里之名見于古挽歌不言其地
漢書武五子傳蒿里傳分郭門闕法師古曰蒿里死人里審若此
山為死人之里武帝何所取而禪祭之乎自晉陸機泰山吟始以
梁父蒿里並列而後之言鬼者因之遂令古昔帝王降禪之壇一
變而為閻王鬼伯之祠矣
漢書上親禪高里師古注曰此高字自作高下之高而死人之里
謂之蒿里其字為蓬蒿之蒿或者誤以高里為蒿里混同一事陸
士衡尚不免况餘人乎

原鬼

予嘗考泰山之故仙論起于周末鬼論起于漢末左氏國語未有
封禪之文是知三代以上無仙論也史記漢書未有考鬼之說是

知元成以上無鬼論也遁甲開山圖曰泰山在左亢父在右亢父
知生梁父主死博物志曰泰山一曰天孫言為天帝之孫至召人
魂魄知生命之長短此二者皆其說之所本其初見于史者則漢
書方術傳許峻自云嘗萬病三年不愈乃謁泰山請命馮桓傳死
者神靈歸赤山赤山在遼東西北數千里如中國人死者魂神歸
泰山也三國志管輅傳謂其弟辰曰但恐至泰山治鬼不得治生
人如何而劉楨贈五官中郎將詩有曰常恐游岱宗不復見故人
然則鬼論之興其在東漢之世乎
或曰地獄之說本于宋玉招魂之篇長人上伯則夜又羅刹之論
也爛土雷淵則刀山劍樹之地也雖文人之寓言而意已近之矣
于是漢魏以下之人遂演其說而附之釋氏之書昔宋儒胡寅謂

閻志本寫地獄圖相與來後臣得之以濟其酷又孰知宋玉
之文實為之祖孔子謂為備者不仁有以也夫

辨漆河

嶽之西南有水出谷中為西溪自大峪口至州城之西而南流入
于泮曰漆河其水在高里山之左有橋跨之曰漆河橋世傳人死
魂不得過而曰奈河此如漢高帝云相人者迫於人也

考社首

史記周成王封泰山禪社首唐書高宗乾封元年正月庚午禪社
首方宗開元十三年十一月辛卯禪社首宋史真宗大中祥符元
年十月壬子禪社首今高里山之左有小山其高可仰五丈志云
即社首山在嶽旁諸山中最早小不知古人何取于此意者封于

高欲其近天禪于下欲其近地且山卑而附嶽址便于將事初步
高山之後不欲更勞民力耶

考碧霞元君

世人多以碧霞元君為泰山之女後之文人知其說之不經而曲
引黃帝遣玉女之事以附會之不知當日所以褒封固真以為泰
山之女也今考封號雖自宋時而泰山女之說西晉以前已有之
張華博物志文王以太公望為灌壇今暮年風不鳴條文王夢見
有一婦人甚麗當道而哭問其故婦人言曰我東海泰山神女嫁
為西南婦欲東歸灌壇今當吾道太公有德吾不敢以暴風疾雨
過也文王夢覺明日召太公三日三夕果有疾風驟雨去者皆西
來也文王乃拜太公為大司馬此一事也于寶搜神記後漢胡毋

班嘗至太山之側而泰山府君所召令致書于女婿河伯云至河
中流扣舟呼青衣當自有取書者果得達復為河伯致書府君此
二事也列異傳說蔡文事又以天帝為泰山神之外孫自漢以來
不明乎天神地祇人鬼之別一以人道事之於是封嶽神為王則
立寢殿為王夫人有夫人則有女而女有婿又有外甥矣唐宋之
時但言靈應即加封號不如今之君子必求其人以實之也
又考泰山不惟有女亦又有兒魏書段承根傳云父暉師事歐陽
湯有一童子與暉同志後二年童子辭歸從暉請馬暉戲作木馬
與之童子甚悅謝暉曰吾泰山府君子奉勅游學今將歸損子厚
贈無以報德子後至常伯封侯非報也且以為好言訖乘而騰虛
而去集異記言貞元初李納病篤遣押衙王祐禱于岱岳遙見山

上有四五人衣碧汗衫半臂路人止祐下車言此三郎子七郎子
也山東通志後唐長興三年詔以泰山三郎為威權將軍宋真宗
加封炳靈公夫封其子為將軍為公則封其女為君正一時之事
爾又考元劉遵魯漁島記曰廟中神妃相傳為東海廣德王第
七女夫海有女則山亦必有女也

考人祖

泰山上有人祖殿不知何取三秦記曰驪山顛有人祖廟不齋戒
而往即風雨迷道長安志曰即秦始皇祠蓋本之史記所云祖龍
者人之先也秦臨潼志以始皇不應祀典改為五皇廟按史記封
禪書南山巫祠南山秦中秦中者二世皇帝夫二世尚祀奚必始
皇之不祀乎

錄唐勅

泰山之東南麓王母池西有唐岱嶽觀今存茅屋三楹士人稱為老君堂其前有碑二高八尺許上施石蓋合而束之俗呼為鴛鴦碑其字每面作四五層每層文一首或二首昔唐時建醮造像之記而下層為積土所壅就其上周環讀之得顯慶六年一首儀鳳三年一首天授二年一首萬歲通天二年一首聖曆元年一首久視二年一首長安元年一首四年二首神龍元年一首景龍元年一首三年一首景雲二年二首開元八年一首大曆七年一首建中元年一首其空處又有唐代人題名書法不一東側而有詩一首其下題名西側面題名亦有詩一首中二側皆無此書于自磨厓之外存者唯此以小而雙束故不仆書非名筆故摹拓者少而

獨完至今因歎唐時六帝一后修齊建醮凡二十計共此二碑亦異乎近代之每歲一碑以勞人而災石者矣但不知趙明誠金石錄何以不收恐古人碑記失傳者正多耳其勅一首詩一首文辭斐然因錄于後

碑字凡大周年者天作爪地作堇人作王聖作壘年作乘月作㊦亦作匝日作㊧授作楡初作壘唯展字無可考疑是應字凡數字作壹貳參肆捌玖等字皆武后所改及自制字其壘曆碑有云設金籙寶齊河圖大醮泰㊨泰古七字太玄經規擬之二泰是也後人不知妄于左旁添鑿三點淺而大又稍偏知非一筆

勅

景雲二年六月二十三日皇帝敬憑太清觀道士楊大希於名

山斫燒供養惟靈蘊秘凝真含幽綜妙類高曼之亭育同厚載
之陶鈞蓄洩烟雲蔽虧日月五芝標秀八桂流芳翠嶺萬尋青
溪千刃當作峴裳展止栢為碧落之廷鶴駕來遊即是玉京之
域百祥罩于遠通五福被于黎元往帝所以馳心前王由其載
想朕恭膺寶位嗣守昌圖恐百姓之不寧慮八方之未泰式陳
香薦用表深衷實冀明靈降茲休祉所願從今以後浹寓常安
朕躬男女六姻永保如山之壽國朝官寮萬姓同符擊壤之歡
斐魚鳥遂性于飛沈夷狄歸心于邊徼實希靈鑒用副趨誠今因
鍊師遣此不悉

早春陪勅使麻先生祭岳守博城縣令馬口口

我皇盛文物道化天地先鞭捷走神鬼玉帛禮山川忽下玄洲
使來遊紫洞前青羊得處所白鶴口時年度懇飛龍記昭彰化
鳥篇口風半山水口氣抱雲烟光抱昇中日霞明五色天山橫
翠微外室在綠潭邊緹幕灰初應焚林火欲然年光著草樹春
色換山泉伊水來何日嵩年去幾千山疑小天下人是會神仙
葉令乘鳧入浮丘駕鶴旋麻姑幾年歲三見海成田按久視二
都青元觀主麻慈力即其人也武后遣之至觀修醮神都
即東都故有伊水嵩巖之句字半刊落其不可知者闕之

錄宋牒

泰山東南麓升元觀有宋牒碑其大字草書甚道勁不知何人筆
錄之以見當日牒文之式考宋史婁寅亮傳但云政和二年進士
為上虞丞不言歷官兗州亦可以此碑補史之闕其曰太師魯國

公則蔡京也

尚書省牒准泰寧軍奉符縣升元觀 右第一行

泰寧軍據兗州儀曹掾兼兵曹婁寅亮狀稱契勘兗州奉符

縣泰山之下有古洞天周三十里名曰三宮空洞之天載在圖

經是實即目宮觀并無名額却有建封院一所逼連藏廟之後

殿屋完備田產頗多只一村僧占據住持任從民間安攢丘墓

穢惡不蠲深慮觸瀆真仙不便欲乞備申朝廷改為道觀州司

看詳本院委合改充前件洞天道觀伏候指揮 右小字

牒奉勅宜賜升元觀為額牒至准勅故牒 右大字草書

起復太中大夫守左丞王 右

特進少宰 右

起復少太宰 右

太師魯國公 不押 右字畧小真書

政和八年六月十四日牒 右末一行

政和八年閏九月二十一日襲慶府管内都道正兼催措置知

升元觀事洞元太師賜紫道士李冲寂立石 右左方之下

普照寺有金大定五年牒碑長春觀有元丁亥年牒碑其式略

同金元碑並有印曰尚書禮部之印即今篆文不用女直蒙古

字

錄元聖旨

元史泰定帝本紀有即位一詔文極鄙俚蓋以曉其本國之人者

今藏廟有二碑其文亦然可發一笑然其曰每年燒香的上頭得

來的香錢物件只教先生每收掌者則是時香錢固未嘗以入官也後世言利之臣益元之不如也已

長生天氣力裏大福廕護助裏皇帝聖旨軍官每根底軍人每根底管城子達魯花赤官人每根底來往的使臣每根底宣諭的聖旨成吉思皇帝月古台皇帝薛禪皇帝完澤篤皇帝曲律皇帝普顏都皇帝格堅皇帝聖旨裏和尚也里可溫先生達識蠻每不棟甚麼差發休當者告天祝壽者麼道有來如今依着在先聖旨體例裏不棟甚麼差發休着者與自每告天祈福者麼道泰安州有的泰山嶽廟住持提點通義守正淵靖大師張德璘生每根底執把行的聖旨與了也這的每廟宇房院裏使臣休安下者鋪馬祇應休拿者商稅地稅休與者但屬他們

的水土園林碾磨鋪席不棟甚麼他每的休倚氣力奪安者每年燒香的上頭得來的香錢物件只教先生每收掌者廟宇損壞了呵修理整治者這的每其間裏不棟是誰休入來休沮壞者更這張德璘梁道根底聖旨與了也無體例勾當行呵他不怕甚麼聖旨泰定年鼠兒年十月二十三日大都有時分寫

來

至正四年猴兒年聖旨碑略同

錄白龍池題名

嶽西傲來峰下有白龍池縣崖絕磴殆非入境石壁平廣二十餘丈書曰龍池曰白龍池並大字其旁皆宋人題名尚未刊缺因書之得十五首其文略無重複自治平迄宣和六十年間人名字亦

可以想見當日太平之盛而金元以降游遭兵火名山奧區委之榛莽無復有題名者矣

內供奉官李舜舉被命禱祀帝岳奉香勝槩於壽聖節日先款

青帝宮次詢白龍潭治平四年題下云書吏李恭從行蓋此字即恭之筆

兗守劉袞奉詔祈雪于岱宗絕頂翌日謁白龍池之祠元祐丁

卯孟春初四日奉符令林會題大字

賈道建欄於此以便遊者元祐丁卯正月八日大字

范陽正輔再遊同魯國景元至丁丑三月二十六日

元符庚辰七月晦趙習之徐安國弟居仁孫正仲同遊大字

皇甫偁徐端朝孫節同遊建中靖國元年三月二十六日題

奉符令李珪因捕蝗恭謁白龍祠男彙侍行崇寧壬午孟春初

七日

誠中君寶德升崇寧二年八月二十六日自王母池來訪此

董元康政和甲午重九日攜家來遊質贖侍行

自恭觀元康兄雷字政和乙未孟冬二十日

蒲陽陳國瑞子玉恭謁白龍池祠俯洞酌泉小憩而邁政和丁

酉夏前二日大字

姜子正子方李晉道劉言可刁文叔同來庚子四月

李顯道張公美王仲與張去塵庚子孟夏十九日同道池上

郵城李借弟倭姪贛隨侍遊此癸卯季春二十八日

張子觀水于池十三年春三月篆書大字無年號按宋朝紀

又不合一代全無題名止此一人也以後但有成化壬寅知州賈宣萬曆七年知州袁穩謁白龍池二刻

辨肅然山

史記武帝禪泰山下址東北肅然山註服虔云肅然山在梁父按
梁父縣在冷州府泗水縣境是秦山之南與本文東北不合而
陽雜俎云長白山古肅然也亦非按史記帝以乙卯封泰山明日
下陰道丙辰禪泰山下趾東北肅然山明日即丙辰也本山下山
本日行禮必在三五十里之內不當遠至長白山也魏書崔光傳
弟敬友嘗置逆旅于肅然山南大路之北設食以供行者今泰安
州東關往北七十里地名王許保其北有山碑云古宿巖山恐即
肅然山也又按光武以二月二十二日辛卯封泰山夜下山明日
百官上壽暮宿奉高三十里明日發至梁父九十里廿五日甲
午禪梁父則謂肅然在梁父者亦非

考泰山都尉

後漢書桓帝紀永興二年泰山琅邪賊公孫舉等反殺長吏永壽
元年七月初置泰山琅邪都尉官延壽五年八月己卯罷琅邪都
尉官八年五月壬申罷泰山都尉官金石錄載漢泰山都尉孔宙
碑云宙以延熹四年卒蓋卒後四年官遂廢矣然泰山都尉寔不
始于此光武時曾置之文苑傳夏恭光武時拜郎中再遷泰山都
尉又光武紀建武六年初罷郡國都尉官恭之遷蓋在此年前也

考泰山兵

泰山自公孫舉東郭寶勞丙叔孫無忌相繼叛亂以是置都尉之
官以後官雖不設而郡兵領于太守其力素厚故何進使府掾秦
山王匡東發其郡強弩而應劭夏侯淵亦以之破黃巾可見前代

裁官不裁兵之効

辨闕里

闕里志引漢書春秋曰魯有二石闕曰闕里又以為後儒尊崇夫子之稱其說自相牴牾按史記魯世家煬公築茅闕門春秋定公二年夏五月壬辰雉門及兩觀災冬十月新作雉門及兩觀註雉門公宮之南門兩觀闕也孔子宅至漢魯恭王時尚存漢晉春秋之云二石闕必有所據石闕之下其里即名闕里而夫子之宅在焉遂以為名魯論有闕黨童子五百家為黨闕黨是闕下之黨左傳鄭伯享王子闕西辟是闕之西偏漢書儒林傳有鄒人闕門慶忌註云姓闕門名慶忌蓋亦如東門北宮之類以居為氏者也後漢書獻帝紀下邳賊闕宣註闕黨童子之後

考武城

史記仲尼弟子列傳曾參南武城人澹臺滅明武城人後人遂疑魯有兩武城而謂子羽為今費縣之武城曾子則別一武城在今之嘉祥縣其說全無所本今考武城之見于春秋者襄公十九年城武城註云泰山南武城縣昭公二十三年邾人城翼還將自離姑公孫鉏曰魯將御我欲自武城還循山而南徐鉏兵弱茅地曰道下遇雨將不出是不歸也遂自離姑武城人塞其前斷其後之木而弗殊邾師過之乃推而壓之遂取邾師獲鉏弱地哀公八年吳伐我子馮卒故道險從武城初武城人或有因于吳境田焉拘鄆人之漚營者曰何故使吾水滋及吳師至拘者道之以伐武城克之王杞嘗為之宰澹臺子羽之父好焉國人懼吳師克東陽而

進舍于五梧十一年齊伐我及清冉有以武城人三百為已卒徒
孟子亦云曾子居武城有越寇大與邾郟為鄰而當吳越之路邑
山險而人勇悍此今費縣之武城也且澹臺子羽之武城即南武
城安得又有一武城更在其南而為曾子之所居乎史記正義曰
地理志定襄有武城清河有武城故此云南武城此說近是又如
平原君傳云封于東武城亦其例也齊乘古武城費西滕東兩縣
之間子游弦歌舊邑歷考古書魯無兩武城故知其即一地矣
史記兩弟子皆武城人獨於曾子加一南字而漢書泰山郡無南
武城止有南城縣屬東海郡後漢書作南城屬泰山郡至晉始為
南武城以此生後人之疑然後漢志云南城有東陽城引左傳哀
人年吳師克東陽是為今費之武城甚明或曰嘉祥之南武山有

曾子墓成化中有漁者陷入其穴得石碣而封志之夫曹縣之冉
邨為秦相穰侯魏冉之冢而今人以為仲弓如此之類蓋難以盡
信也 又按史記田敬仲完世家威王曰吾臣有檀子者使守南
城則楚人不敢為寇東取泗上十二諸侯皆來朝此即泰山之南
城也

考薛為徐州

史記齊世家田常執簡公于徐州田敬仲完世家宣王九年與魏
襄王會徐州諸侯相王也十年楚圍我徐州魏世家襄王元年與
諸侯會徐州楚世家威王七年齊孟嘗君父田嬰敗楚楚伐齊敗
之於徐州越世家句踐已平吳乃以兵北渡淮與齊晉諸侯會于
徐州魯世家頃公十九年楚伐我取徐州按後漢書志薛本國六

國時曰徐州在今滕縣之南薛河北有大城田文所築也此與楚魏二國為境而威王曰吾吏有黔夫者使守徐州則燕人祭北門趙人祭西門從而從者七十餘家蓋與梁惠王言不欲斥魏更以燕趙夸之耳

索隱曰說文邾邾之下邑在魯東又紀年云梁惠王三十一年下邳遷于薛故名曰徐州則徐與邾並音舒也今讀為禹貢徐州之徐者誤齊世家田常執簡公于徐州春秋正作舒州

考楚境及齊長城

史記楚世家惠王四十四年滅杞杞國在淳于然則今之安丘屬楚矣簡王元年北伐滅莒然則今之莒州屬楚矣威王伐越殺王無疆取其地而越之國都別在琅邪然則今之諸城屬楚矣惠王

時越滅吳楚東侵廣地泗上項襄王十五年取齊淮北而故宋之地盡入于楚然則今之滕屬楚矣考烈王八年取魯魯君封于莒十四年滅魯項公遷下邑為家人然則今之曲阜泗水屬楚矣大約齊之邊境青州以南則守在大峴濟南以南則守在泰山是以宣王築長城緣河往泰山千餘里至琅邪臺入海而楚人之對項襄王亦曰朝射東莒夕登涓丘夜加即墨顧據午道則長城之東收而泰山之北舉矣亦可以見當時形勢之大略也

考費惠公

孟子費惠公註惠公費邑之君按春秋時有兩費其一見左傳成公十三年晉侯使呂相絕秦曰殄滅我費滑註滑國都於費今緱氏縣襄公十八年楚為子馮公子格率銳師侵費滑蓋本一地秦

滅之而後屬鄭耳其一僖公元年公賜季友汶陽之田及費齊乘
費城在費縣西北二十里古之伯國姬姓懿公之孫後為季氏邑
在子思時晉國之費其亡已久若季氏不得稱公又楚人對頃襄
王有鄒費却邲意者亦如孟嘗君之稱薛公耶

考沈河

商輅堙城閘記最為明悉其言汶泗二水分流南北不相通元至
元二十六年始于兗北築堙城壩障汶水南流由沈河注濟寧今
考晉書荀羨傳慕容蘭以數萬衆屯汴城甚為邊害羨自沈水引
汶通渠至于東阿以征之臨陣斬蘭是沈河在晉已嘗為運道矣

辨章丘

三齊記曰章亥有三女溺死葬此考淮南子太章豎亥是兩人今

云三女章女乎亥女乎蓋因縣北山名女郎而附會其說今案爾
雅釋丘曰上正章丘註曰頂平然則章丘之名已見乎古經傳矣

考管縣

漢書濟南郡有管縣註應劭曰音姦後漢書管有賴亭唐書武德
二年於平陵縣置譚州并誌平陵縣以章丘亭山管城臨邑隸之
八年省管城入平陵齊乘按述征記歷城到管城三十里自城以
東水瀰漫數十里間南則廸山實為險固連金亂土人因阻水立
邑號曰水塞山東通志亦作管城而唐書誤刻管字作管齊乘遂
附會之曰漢宣帝封趙充國為營平侯按恩澤侯表營平侯食邑
於濟南今無可考且營平連二字為名亦無稱為營城之理也
又按王子侯表營平侯信都齊悼惠王子孝文四年封是營平必

在濟南境內但非此之管城耳

今章丘縣西北七十里大清河之濱有土城或以為即古之管城
山東通志謂管城在臨濟城北則此是矣然其距歷城乃八十里
與述征不合

考齊地用舟師

隋書張須陁傳孫宣雅等衆十餘萬攻章丘須陁遣舟師斷其津
濟親率馬步二萬襲擊大破之賊徒散走既至津梁復為舟師所
拒前後狼狽獲其家累輜重不可勝計是齊地古嘗用舟師也

辨濟南郡無鄒縣

漢書濟南郡之縣十四一曰東平陵其二曰鄒平三曰臺四曰梁鄒
功臣表則有臺定侯戴野梁鄒孝侯武虎是二縣並為侯國後漢

書濟南郡十城其一曰東平陵其四曰臺其七曰梁鄒其八曰鄒
平陵而安帝紀云元光三年二月戊子濟南上言鳳凰集臺縣丞
霍收舍樹上章懷太子註云臺縣屬濟南郡故城在今齊州平陵
縣北水經注亦云濟水入東北過臺縣北尋其上下文句本自了
然後人讀漢書誤從鄒字絕句因以鄒為一縣平臺為一縣齊乘
遂謂漢濟南郡有鄒縣後漢改為鄒平此不得其句讀而妄為之
說也

漢以鄒名縣者五魯國有鄒亦作鄒膠東國有鄒盧千乘郡有東
鄒與濟南之鄒平梁鄒凡五其單稱鄒者今兗州府之鄒縣也亦
有平臺屬常山郡外戚恩澤侯表平臺康侯史玄後漢書邳彤傳
尹綏封平臺侯是也有鄒平有臺而亦有鄒有平臺不可不辨也

晉時縣名多沿漢舊按史何曾傳曾孫機為鄒平令是有鄒平矣
解系傳父修封梁鄒侯劉頌傳追封梁鄒縣侯是有梁鄒矣宋書
言晉太康六年三月戊辰樂安梁鄒等八縣隕霜傷桑麥文帝紀
元嘉二十八年五月乙酉亡命司馬順則自號齊王據梁鄒城八
月癸亥梁鄒平斬司馬順則是宋有梁鄒矣不
志于樂安國下單書一鄒字此史之闕文而
入鄒縣夫晉以前此地本無鄒縣而何從人之乎
者矣

考臺縣

齊乘云臺城在濟南東北十三里漢封戴野為臺侯而復云又有
平臺城在臺城北五十餘里漢縣俗曰故軍城則誤矣按章懷太

子註臺在平陵之北則齊乘所云平臺城即臺城耳云在濟南東
北十三里者非也

辨景相公墓

鄒平縣南五里有景相公墓通鑑五代周顯德元年七月癸巳以
樞密院直學士工部侍郎長山景範為中書侍郎同平章事此地
唐時屬長山也景氏之裔自洪武年間有兩舉人今亦尚有諸生
不能記其祖矣不知何年謬傳為晉之景延廣而邑志載之以後
山東通志等書襲舛承訛無不以為延廣墓後有令于此者謂延
廣于晉為該國之臣遂至答其後人而毀其祠昔年邑之士大夫
頗有能知五代間事以為非是予至其邑有諸生二人來稱景氏
之孫謂問其祖因取通鑑及五代史世宗紀示之又示以景延廣

傳曰延廣字航川陝州人也乃謝而去及寫碑文以來其文為翰林學士朝議即尚書水部員外郎知制誥柱國扈載撰雖剝落者五之一其句故中書侍郎平章事景公諱範字甚明白且生封上柱國晉陽縣開國伯沒贈侍中其文有曰我大周聖神恭肅文帝孝皇帝建大功于漢為北籓於魏郡又曰今皇帝嗣位登用舊臣又曰冬十一月薨於菑川郡之私第其末曰顯德三年歲次丙辰十二月己未朔越十日戊申因嘆近日士人之不學以本邑之人書本邑之事而猶不可信以明白易見之碑而不之視以子孫而不識其先人推之天下郡邑之志如此者多矣

又按通鑑顯德二年八月丁未中書侍郎同平章事景範罷判三司尋以父憂罷政事今碑文有云以列卿歸第懸車故鄉嗟風樹

之忽警訖昊天兮何極則是罷官歸里而後遭父喪與史不同識以備考

王元美作李于鱗友人龔克懋妻景氏墓誌銘亦以為延廣之後雖本其家之行狀然王李二先生亦未嘗究心于史學也

考漢都尉治於陵

漢濟南郡太守治東平陵而都尉治於陵者以長白山也魏書辛子馥傳長白山連接三齊瑕丘數州之畝多有盜賊子馥受使檢覆因辨山谷要害宜立鎮戍之所又諸州豪右在山鼓鑄姦多依之又得密遣兵伏亦請破罷諸治朝廷善而從之隋大業九年齊人孟讓王薄等衆十餘萬據長白山攻剽諸郡以張須陁王世充之力不能滅訖于隋亡觀此二事則知漢人立都尉治於陵之意

杜氏通典長山下云漢濟南郡故城今在縣西北齊乘等書皆仍之按二漢濟南郡並治東平陵距長山百餘里不應此地仍有濟南郡城豈以都尉治此而名耶又漢書地理志般陽莽曰濟南亭而後漢書章帝紀元和二年進幸濟南註云縣名今淄川及考郡國志又無此縣不知章懷太子何所據而云也

辨淄川非薛

漢魯國有薛縣史記公孫弘傳齊菑川國薛縣人也言齊人言菑川而薛並不屬二國殊不可曉正義曰表云菑川國文帝分齊置都劇括地志云故劇城在青州壽光縣南三十一里故薛城在徐州滕縣畍地理志薛縣屬魯國按薛劇隔兗州及秦山未詳今考儒林傳言薛人公孫弘是弘審為薛人上言齊菑川者誤耳人疑

孟嘗君之封在菑川太史公曰吾嘗過薛其俗閭里率多暴桀子弟與鄒魯殊若在菑川其壤地與齊相接何不言齊而言鄒魯乎又按後漢書志云薛本國註引地道記曰夏車正奚仲所封冢在城南二十里山上皇覽曰靖郭君冢在城中東南陬孟嘗君冢在城中向門東北邊益可信孟嘗君之封不在菑川也又按地理志菑川國三縣劇東安平樓鄉劇在今壽光縣西南東安平在今臨淄縣東南一十里樓鄉未詳所在今之淄川不但非薛并非漢之菑川乃般陽縣耳以為漢之菑川而又以為孟嘗君之薛此誤也

考夾谷

春秋定公十年夏公會齊侯于夾谷傳曰公會齊侯于祝其實夾

谷杜預注及服虔註史記皆云在東海祝其縣劉昭志亦云祝其有羽山春秋時曰祝其夾谷地通典東海懷仁縣有夾山春秋之夾谷也相承遂謂夾谷山在今贛榆縣西五十里愚嘗以為疑贛榆在春秋為莒地與齊魯之都相去各五六百里何必若此之遠當時景公之觀不過曰遵海而南放於琅邪而已未聞越它國之境及讀金史云淄川有夾谷山一統志云夾谷山在淄川縣西南三十里舊名祝其山其陽即齊魯會盟之處萌水發源于此水經注萌水出般陽縣而南中山按此則金史之夾谷山即水經註之甲山而萊蕪縣志則又云夾谷在縣南三十里接新泰畝二說皆未知其何所據但在萊蕪縣則正當齊魯之境在淄川則已入齊地一百餘里以情理論之似當近于贛榆昔人第泥漢時祝其縣

之在東海而不知地名或有相同者如此之類却不可信古註而拂事理也

考畫邑

史記田單傳畫邑注劉熙曰齊西南近邑正義曰括地志云戟里城在臨淄西北三十里春秋時棘邑又云畫邑因畫水為名也後漢書耿弇傳時張步都劇使其弟藍將精兵二萬守西安諸郡太守合萬餘人守臨淄相去四十里弇進軍畫中居西城之間註西安縣名屬齊郡故城在今青州臨淄縣西北畫邑故城在西安城東南按西夷即今索鎮在臨淄之西非西北也孟子去齊宿於畫王曰棄寡人而歸是孟子自齊反鄒其道不由西北可知劉熙註

是孟子所宿之畫即畫邑也

考杞梁妻

春秋傳齊侯襲莒杞梁死焉齊侯歸過杞梁之妻于郊使弔之辭曰殖之有罪何辱命焉若免于罪猶有先人之敝廬在下妾不得與郊弔齊侯弔諸其室左氏之文不過如此而已檀弓則曰其妻迎其柩於路而哭之哀孟子則曰華周杞梁之妻善哭其夫而變國俗言哭者始自二書說苑則曰杞梁華舟進鬪殺二十七人而死其妻聞之而哭城為之阤而隅為之崩列女傳則曰杞梁之妻無子內外皆無五屬之親既無所歸乃枕其夫之屍於城下而哭道路過者莫不為之揮涕十日而城為之崩言崩城者始自二書夫左氏檀弓俱言有先人之敝廬何至枕屍城下且莊公既能遣弔豈至暴骨溝中子政之言沒其知禮而憐其盡哀此殆于細人

之見也然其崩者城耳未云長城長城築于宣王之時去莊公百有餘年而齊之長城又非秦所築之長城也後人相傳乃謂秦築長城有范郎之妻孟姜送寒衣至城下聞夫死一哭而長城為之崩則與杞梁之事全不相蒙矣夫范郎者何人哉琴操曰范杞梁妻歎者齊邑范梁殖之妻所作也杞而加以范蓋自此始而轉為秦代之人則又不知其傳謠之所自矣余過長清縣之長城鋪見有杞梁妻祠乃列聖母娘娘諸像不下十數而人尚呼之為姜女廟又杞梁死地當在令之莒州非長清也因書此以待後之明君子正焉

考年國

春秋以年名國與地者有三桓公十五年年人來朝註云年國今

泰山牟縣僖公五年公孫蒯如牟娶焉隋書羸下云開皇十六年
分置牟城縣大業初併入焉按萊蕪縣志云牟城在縣乘二十里
春秋時牟國漢為泰山郡牟縣北魏省入于羸隋開皇十六年分
羸置牟城大業初復併入此其故城也其一則曰牟婁隱公四年
莒人伐杞取牟婁注云城陽諸縣東北有婁鄉昭公五年莒牟夷
以牟婁及防蒯來奔路史密之諸城有婁鄉是也其一則曰根牟
宣公九年取根牟註云根牟東夷國也隋書安丘下云開皇十六
年置曰牟山大業初改名路史根牟曹姓子爵魯宣公取之杜預
謂琅邪陽都東南之牟鄉城樂史云根牟國即密之安丘隋之牟
山縣案青州府志安丘縣西南十五里為牟山隋縣是也舊志多
未分析故特注之

辨淮河字音

淮水土人名為淮河齊乘云漢書地理志淮或作淮故俗亦名淮
河諸城志云傳其屋山舊多產榲水從榲根出故俗呼為淮河以
音之同也並誤愚按古人省文淮字或作維或作淮總一字也漢
書或作淮者從水從隹之隹古文作隹即維字而省其中系耳
今呼為淮則竟為江淮之淮從水從隹人之隹古文作隹於隸則
差之毫釐於古文則失之千里矣如開封之汜水左傳本音凡從
水從已而今呼為濛汜之汜音杞亦以字形之似而訛也

又如三國志吳作堂邑涂塘以淹北道晉書宣帝紀王凌詐言吳
人塞涂水武帝紀琅邪王由出涂中並是涂字云涂省作涂與淮
作淮正同韻書並不載此二字

考募盪舟

論語募盪舟何晏解募多力能陸地行舟似未必然畢氏引竹書紀年帝相仁十七年澆伐斟鄩大戰于澼覆其舟滅之又引楚辭天問覆舟斟鄩何道取之證為一事最明易傳八卦相盪古人以左右衝殺為盪陣此字義也

考洋水

通鑑宋明帝泰始三年沈文秀攻青州刺史明僧暲帝遣輔國將軍劉懷珍浮海救之進至黔陬文秀所署長廣太守劉桃根將數千人戍不其城懷珍軍于洋水遣王廣之將百騎襲不其城拔之註云洋水即巨洋水案不其城在今即墨縣西南而巨洋水乃今之巨蔑河在臨朐益都壽光三縣之境與黔陬不其相去三四百

里安能以百騎而襲取之乎水經注云拒艾水出黔陬縣西南拒艾山人謂之洋洋水膠州志曰洋河在州南三十里發源鐵櫟山東流入于海此即懷珍所屯軍處耳

考棠邑

春秋以棠名地者有三有魯之棠有萊之棠有楚之棠隱公五年公矢魚於棠註高平方輿縣北有武唐亭魯侯觀魚臺在今魚臺縣北一十二里襄公六年王湫帥師及正與子棠人軍齊師萊共公浮柔奔棠晏弱圍棠註棠萊邑十六年齊侯駕將走邾棠註邾棠齊邑二十五年齊棠公之妻註棠公齊棠邑大夫後漢書郡國志即墨有棠鄉今在平度州境昭公二十年棠君尚謂其弟員註棠君奢之長子尚也為棠邑大夫後漢書郡國志廣陵郡棠邑春

秋時曰棠則今之六合縣孟子齊飢陳臻曰國人皆以夫子將復為發棠註棠齊邑此棠之棠當時即墨為齊之大都倉廩在焉亦從此知之也

辨勞山

勞山之名齊乘以為登之者勞又云一作牢丘長春又改為鰲皆鄙淺可笑按南史明僧紹隱于長廣郡之嶗山本草天麻生太山嶗山諸山則字本作嶗若魏書地形志唐書姜撫傳並作牢乃傳寫之誤

寰宇記秦始皇登勞盛山望蓬萊後人因謂此山一名勞盛山誤也勞盛二山名勞即勞山盛即盛山史記封禪書七曰日主祠成山成山斗入海漢書作盛山古字通用齊之東偏環以大海海岸

之山莫大于勞成二山故始皇登之史記秦始皇紀今入海者齋捕巨魚具而自以連弩候大魚至射之自琅邪北至榮成山弗見至之衆見巨魚射殺一魚正義曰榮成山即成山也按史書及前代地理書並無榮成山予向疑之以為其文在琅邪之下成山上必勞字之誤近見王充論衡實知篇引此正作勞成山乃知昔人傳寫之誤唐時諸公亦未之詳考也遂使勞山併盛之名成山冒榮之號今特著之以正史書二千年之誤

辨東牟侯興居

一統志登州府名宦下云劉興居高祖孫齊悼惠王肥子誅諸呂有功封東牟侯惠澤及于旁人至今廟祀不絕考史記漢書本紀年表興居以高后六年四月丁酉封孝文帝二年冬十月始令列

侯就國春二月乙卯東牟侯興居屬濟北王其明年秋以反誅
是興居之侯于東牟僅三年其奉就國之令至立為濟北王相距
僅五月其曾到國興否皆不可知安得有惠澤及人之事歷二千
年而思之不絕者乎甚矣修志者之不讀史也